

[Blank paper label]

W d
786



VI. 36^e = 0.

(cat. 1, 829. 830. 831.)

1.831

f. 64, 33.

Ein schön new
 Lied / von dem Thewren
 Helden Wilhelm von
 Grumbach.



Im Thon /
 Vom Ritter aus der
 Steiermarck.

1 5 6 6.



10110.

190
137

in Panth

1-3

2

Abzug

32

Wd 786



VI.

1

Wie lust sol will ichs he nan /
Wie ichs im grund erfa hab /
Die silben Reimen zwingen.
Von ein Edlman in Deutsche Land
Ich hoffer sey euch wol bekan /
Ein newes Lied zusingen.
Wilhelm vō Grumbach heist der man
Ein Heldt streflicher thaten.
Zutrachten fieng er zeitlich an /
Mit vnruh frue vnd spatē /
Nach stoltzem pracht vñ grossen gut
Gott geb wie er gleich das bekem /
Darnach stund im hertz sin vnd mut.

2

Zu vielen Künsten het er lust /
Es felht im nur das er nit wust /
Ein Meister ders in leret.
Will artifex bald zu im kam /
Dē Grumbach für sein sohn auffnam
Der sohn in darumb ehret.
Will artifex bald gschwind mit freud
Thet ihm viel Lehr auffgeben /
Grumbach schwur im ein hartē eyd /
a ij Dieweil

Dieweil er het das leben /
Wolt er jm des gehorsam sein /
Wolt jm dienen bis in sein end /
Des wurd sein gelt vnd gut nit klein.

3

Der Künst waren souiel zumal /
Das mans nit kan erzelen all /
Wie er sie hat getrieben.
Wie er sein tag hab zugebracht /
Aus seinen thaten solchs betracht /
Die hirnach seind beschrieben.
Da wirstu finden klar vnd hell /
Des tewren helden tugent /
Er war geschwind / listig vnd schnell /
Von anfang seiner jugent /
Was in sein Meister leren thet /
Das bracht er bald in seinen kopff /
Gar gschwind ers als gelernet het.

4

Als im Fünffvndzwanzigsten jar /
Auffrührisch wurd der Bauren schar /
Da thet man bald besetzen.
Das Schlos zu Würtzburgk ob der
Stadt

Auff

Auff das die Bauren mit der that /
Dasselb nit thettn verletzen /
Fürsten Herren viel Edleuth gut /
Lieffen sich im Schlos finden /
Erstlichs Grumbach das teure blut /
War auch bey in darinnen /
Wiewol in solchs bald rewet gar /
Dann er wer lieber gwesen draus /
Wol bey der auffrührischen schar.

5
Aus Kunst seins Meisters er von stund
Ein sehr geschwinden list erfund /
Sagt bald zu diesen dingen.
Wir seind fürwar im Daus zschwach
Darumb last mich hinaus gemach /
So wil ich euch herbringen.
Meins gleichen Welden one zal /
Das Schlos damit zustercken /
Der Rath gefiel den Herren all /
Theten den schalck nit mercken /
Grumbach zog mit freuden dahin /
Er dacht heimlich in seinem mut /
Bein Baur hab ich viel größern
gwin.

a iij Im

Im schlos warteten herrn vñ knecht
 Wan Grubach kem vñ mit sich brecht
 Sein Ritterlichen hauffen.
 Grumbach dacht abr im hertzen sein /
 Ir bringt mich nimmer zu euch nein /
 Der Heldt war da entlauffen /
 Heimlich er sich zun Bauren thet /
 Sterckt ire böse thaten /
 Dann er ein grosse hoffnung het /
 Es solt den Baurn geraten /
 Die Obrigkeit zudempffen gar /
 Alsdann wolt er der fürnembst sein
 Vnter der auffrürischen schar.

Als aber Gott wendet das spiel /
 Vnd der auffrürischen Bauren viel /
 On zal wurden erschlagen.
 Auch mit dem rad vñ schwerd gericht
 Dem Grubach gfiel der handel nicht /
 Der Heldt fieng an zuzagen.
 Er gdacht solt mans werden gewar /
 Das du werst Beurisch gewesen /
 Verlieren müstu kopff vnd har /

Du

Du kōntest nit genesen /
Nu weis doch sunst niemands darnō
Das ich auffrürisch gwesen bin /
Dann Florian Geir der Edelman.

8

Der baurn Hauptman merckt mich
wol /
Welcher mein Schwager werden sol
Dann ich hab im versprochen.
Mein Schwester Annam zu der Ehe /
So bald der Bauren Krieg vergee /
Er must werden erstochen.
Solt er verrathen diese sach /
Ich darff im nicht vertrauen /
Es brecht mir grossen vngemach /
Darumb so mus ich sehawen /
Das im die sprach verlieg / dann sunst
Bleibt es gewis verschwigen nit /
Ich mus brauchen meins Weisters
Kunst.

9

Ein solchs gschach auch in kurtzer zeit
Florian Geir zum Grumbach reit /
Dn sorg wol in sein hanse.

a iij Wilkom

Will om du lieber Schwager mein /
Sprach er zu jm in falschem schein /
Er must bald wider hinause /
Grumbach schickt bald sein plütig roe
Seim Schwagr hinach behende /
Lies in im Tramschatz stechen zt od /
Das er blieb an dem ende /
Drob freuet sich Grumbach gar sehr
Nun bleibt verschwigen all dein sach /
Kein mensch erfert es niuermehr.

10

Das warn des grumbachs erste prob
Seim Adelichen stand zu lob /
Thet sich drauff weiter vben.
Raubt auff der strassen hie vnd dort /
Zustiffen Krieg jammer vnd mord /
Das thet jm sehr gelieben.
Sein Knecht Peter het des kein lust /
Thet sich in dienst versprechen /
Gen Nüremberg der Grübach wust /
Solchs bald an jm zu rechen /
Gab jm zum abschied einen trunck /
der Knecht schrei vbr dē grübach mord
Starb bald vn̄ het seins dienst genück
Dernach

Vernach der Trewre Ruine Man /
 Stifftet ein grosses Blutbad an /
 Dem Deutschland thet es ande.
 Aufss gelt war all sein sach gericht /
 Des wolt er Kurtzumb manglen nicht
 Verriet sein Vaterlande.
 Er sprach zum Echenherren sein /
 Sol man diesen Krieg stillen /
 Viel gelts müst jr tragen herein /
 Die seckel müst jr vns füllen /
 Laß Thuñen golts für ein strapat /
 Gebt her so seit jr Kriegens frey /
 Ist mein verpflichter trewer Rath.

Darvon gebürt mir auch ein bent /
 Es ist gar gut aus frembder hent /
 Viel feiste Riemen schneiden.
 In achtzig Tausent gülden wert /
 Müssen mir gewislich sein beschert /
 Der Stiffte mus sich drob leiden.
 An Güttern jms gegeben ward /
 Des het er kein genuge /
 Es mussten auch zu dieser fart /

All sein Lehen on fuge /
So er vō stift Wirtzburg hat gehabt
Beeigent werden all zumal /
Gar hoch der Woldt alda rein trabt.

13

Es werd abr nur ein kleine zeit /
Der Keiser kam vñ bracht viel lenth /
Dem Grumbach kamen mere.
Das er het gros vnrecht gethan /
Der Keiser wolt in straffen lan /
Duc de Alba züg dahere / (ein
Grumbach ritt bald gen Wirtzburg
Sein gwesnen Lehenherren /
Bekant er da das vnrecht sein /
Sprach er wolt in fort ehren /
Was er empfangen het on fug /
Gab er wider / sein eigen gut
Wie vor vffs new zu Lehn vfftrug.

14

Er thet da newe Lehens pflicht /
Dats aber lenger ghalten nicht /
Dann etlich wenig wochen.
Alls sich ein newer Krieg sieng an /
Wurd Grumbach widr ein treulos
man / Er

Er fing an sehr zu bochen.
Sein pflicht vnd eydt er gar vergas /
Thet sie gar nit auff sagen /
Aus altem neit / stoltz pracht vñ has
Thet er noch ein dück wagen /
Seins Leenherrn abgesagtem feind /
Zug er stracks zu on alle schew /
Der grosse böswichts schalck geheint.

15

Den stift hulffer mit rath vñ gwalt /
Prennen brandschatzen manigfalt /
Vnschuldig Blut vergiessen.
Plündert verderbt sein Vaterland /
Er hielt es gar für kleine schand /
Wolts handels bas genieffen.
Vor solcher grossen Tiranny /
Den Stift zu defendieren /
Die gegenwehr man brauchet frey /
Grumbach thet da verlieren /
Aus seim verschulden hab vnd gut /
Dann er hetts gar zu grob gemacht
Gar zornig wurd er in seim mut.

16

Der Grumbach füret grosse klag /
Zu

Zu Franckenfurt auff dem Waltag /
Vor Keyser vnd Churfürsten.
Der Keyser zu dem Bischoff sprach /
Er solt heimstellen diese sach /
Ir Mayestat zum schiersten /
Wolten die sach verhören gar /
Vnd einen tag ansetzen /
Der Bischoff da gehorsam war /
Keinr solt den andrn verletzen /
Grumbach dacht abr in seinem sinn /
Lest dus komen zu der verhör /
So hastu der sach kein gewin.

17

Er rufft gar bald sein Meister an /
Das er jm wolt hilfflich bey stan /
Sein trewen Rath jm geben.
Mill a. ifex thet solchs mit fleis /
Er sprach gar bald in stiller weis /
Den Bischoff bring vmb's leben.
Grumbach jm des gehorsam war /
Gen Wirtzburg thet er senden /
Ein Tirannisch blutdürstig schar /
Sein willen zuuollenden /
Den Bischoff sucht in seiner Stadt /
Mit

Mit list vnd vnuersehener ding /
Schieffet den Pfaffen stracks zutodt.

18

Solchs richtet aus die pluttig schar /
Im Achtvndfunfftzigisten Jar /
Des Funfftzehnden Aprillen.
Der löblich Fürst erschossen wardt /
Ein Fuchs vn̄ einr vō Wenckhen zart
Pliebn todts vmbis Bischoffs willen
Ein Freiherr vnd zwen Edle gut /
Wurden geschossen darneben /
Gott hielt sie ab in seiner hut /
Das sie blieben bey leben /
Also Grumbach zu dieser fart /
Ein Fürsten Mörder worden ist /
Vergos auch Edles Blut so zart.

19

Er meint er hets wol ausgericht /
Sein sach müst nun werden geschlicht
Jetzt wer er schon genesen.
Aber der grausam Türckisch mordt /
Macht im sein sach erger hinfort /
Dann sie vor nie war gewesen /
Da kont man finden kein vertrag /
Wiewol



Wiewol sichs vntername /
Keyser Ferdnand vff dem Reichstag /
Zu Augspurg dsach fürkame /
Der vnchristlich Tirannisch mord /
Die sach nit kont vertragen lon /
Im Deutschland dergleich nie ward
ghört.

20

Der Keyser weist die sach ans Recht /
Ans Camergricht da solt sie schlecht /
Schleunig werden austragen.
Grübach veracht des Keyser's gbot /
Dielt's Camergricht nur für ein spot
Thet sein Procrator sagen.
Er solts auffzihn solang er könt /
Er het da nichts zugwinnen.
Wañ mir mein Meister das leben gönt
So kan ich mich besinnen /
Mit seinem Rath vnd hilff ich will /
Anfangen bald in kurtzer frist /
Ein seltzam abentheurisch spiel.

21

Grumbach verlies sich auff sein Kunst
Vnd das er het seins Meisters gunst /
Samlet

Samlet ein plütigs gsinde.
Seltzam vnerhört Instrument /
Het im sein Meister zugesendt /
Er schickts alls hin geschwinde /
Ins Closter Wechterswinckel her /
Von Wirtzburg war darinnen
Der Thumbprobst Reichart von der
Den theten sie da finden / (Ker /
Sie fiengen vnd schlepten in hin /
Dem Grübach kam ein frembder gast
Er sprach das ist ein guter gwin.

22

Grübach ernach sich schnell aufmacht
Lilt nach Wirtzburg bey eitler nacht
Er sprach heimlich thut schleichen.
Ir gute gellen all zugleich /
Zu Wirtzburg wölln wir werdē reich
Keinr thue vom andern weichen.
Im grossen Nebel früe vor tag /
Lies er diebisch auffsetzen /
Ein pfort am Meyn wie ich euch sag
Durch ein böswicht verwegen /
Niemand in der Stad wards gewar
Des frewet sich der Grumbach seer
Mit

Mit seinr Blutigen Rot vnd schar.

23

Allda ritt ein der Welde greis /
Mördischer vnd diebischer weis /
Nach Blut dürstet sein hertze.
Erschossen wurden da behendt /
Zwelfff Bürger vnschuldig elendt /
Die Bürger all mit schmertzen /
Vorgweltigt wurden mit der that /
Landfriedbrüchiger massen.
Sie ritten in der gantzen Stadt /
Durch alle Pletz vnd gassen /
Also Grumbach die Stad einnam /
Durch schelmische verreterey
Bey nacht wie ein Dieb er dar kam.

24

Ir keiner het verwart sein ehr /
Wies von alter ist komen her /
Sie fiengen an zustelen.
Beraubten vnd plünderten bald /
Geistlich Weltlich jungk vñ auch alt /
Es kont in da nicht felen.
Edle Frawen vnd Jungfraw viel /
Jung Püppellen vnd Waisen /
Beraubten

Beraubten sie on mas vnd ziel /
Dergleich man nit thut lesen /
Von dem Adel in Deutschem Landt /
Das einer diesem Dauffen gleich /
Getrieben het Mord Raub vñ schant

25

Billich solt man loben mit schall /
Die gwaltigen Nacht Ritter all /
Dann sie theten auffwecken /
Die Schwangern Weiber allzumal /
Zwo vnd funffzig in einer zal /
Thetens dermas erschrecken /
Das in die Kind abgiengen todt /
Der Mütter viel darneben /
Litten dergleichen grosse not /
Mustn auch lassen jr leben /
Weist das nit gfochten Ritterlich /
Wer vnschuldig Blut auff sich let /
Bleibt nit vngstrafft glaub sicherlich.

26

Grumbach bald zu dē Herren sprach
Gebt jr mir nit einen Vertrag /
Den ich euch thue benennen.
Erwürgen wil ich jung vnd alt /

b

Man

Man weib vñ kind / wil auch alsdald /
Die Stad zu grund verprennen.
Wie ers wolt hã widr erlichn brauch
Must mans auff's papier schmieren /
Der Bischoff vñds Capittel auch /
Soltns hernach Confirmiren /
Der Keyser solt ausfönen gar /
Die Fürstn vñd Adels mörder gros
Darzu die Rauberische schar.

27

Aber Grumbach nicht einen tag /
Dielt diesen nichtigen Vertrag /
Dat den selber gebrochen.
Gar bald er zu sein hauffen spricht /
Vñsers bleibens ist lenger nicht /
Ich hab mich nun gerochen.
Den mörden vñd den raubern gleich
Sie sich aus der Stad machten /
Sie waren alle worden Reich /
Grossn Raub sie hinaus brachten /
Ein jeder zog wider zu Hans /
Mordn raubn vñ stelen machet reich
Wen mans ein recht lest lernen aus /

28

Gar

Gar bald Keyserlich Maiestat /
Dumb solch Landfridbrüchige that /
Thet in die Acht erkennen.
Die Mörder vnd Rauber zuhand /
Grumbach Mandeslo Stein genant
Ir Gsellen thut man kennen.
Es war in abr ein schlechtes ding /
Thettn den Keyser verachten /
Grumbach zu sein Gsellen anfieng /
Botz Crafft wir müssen trachten /
Nach ein Ort da wir sicher wol
Können sein / ziecht mit mir zu haus
Keinr vns da ichts abbrechen sol /.

29

Mein Haus das heist zu Dell hinein
Es ist gebaut so fest vnd fein /
Drinn wöllen wir wol bleiben /
Vnd haben einen guten muth /
Trotz dem der vns darinn was thut /
Niemand sol vns raus treiben /
Des freuet sich die Gsellschafft gut
Der Herberg also schone /
Lucifer auff sie warten thut /
Wird inn geben den Lone /

Wann

Wann Kommen wird jr jedes zeit /
Die stund wirt doch nit bleiben aus
Sie Kom gleich morgen oder heut.

30

Also habt jr mit kurtz erzelt /
Was für ein grosser Teurer Heldt /
Grumbach doch sey gewesen.
Was er für grausam mord vnd that /
Sein lebenlang getrieben hat /
Dergleich thut man nit lesen /
Von ein Frenckischen Edelman /
Pilllich thut mans beschreiben /
Er wils dabey nit bleiben lan /
Wils noch fürbas hin treiben /
Will alles vnglück stifften an /
Leib vnd Seel drob setzen in gfar /
Sein Meister der Teuffl wils von im
han.

31

Doch sind all sein geübte stück /
Nichts anders dann heimliche dück /
Ehrlich hat er nie troffen.
Als gschach inn der Braunschweig-
schen Schlacht /

Der

Der Weldt sich gen Danober macht
Steckt sich hinter den Ofen.
Wett er Wirtzburg gegriffen an /
Bey tag ehrlicher weise /
Vnd man in nit het Künnen bstan /
Wöcht sich rümen der Greiße /
Wie ein dieb kam er aber dar.
Das hertz hat er nicht in seim leib /
Zu krümmen sonst einem ein har.

32.

Der vns dis Liedlein hat gemacht /
Er hats von im selbst nit erdacht /
Es ist als ghörter massen.
In Rechter gründlicher Geschicht
Ergangen / vnd ist kein gedicht /
Darbey so wil ichs lassen.
Wet Grumbach nach Tugent vñ Ker
So embfiglich thun streben /
Wan hets geschriben auch hieher /
Weil er aber sein leben /
Mit schelmerey hat zugebracht /
So ist im dieses Liedlein schon /
Zu seim verdienten Preis gemacht.

15
[Faint, illegible text, likely bleed-through from the reverse side of the page]



Ma 786

ULB Halle
001 002 97X

3





f

h.

n.c.







1.831.

A. 64.33.

Ein schön new
Lied / von dem Thewren
Helden Wilhelm von
Grumbach.

Im Thon/
Vom Ritter aus der
Steiermarck.

1 5 6 6.

